

# طیبہ سارے جگ توں جدا سوھنیا

پنجابی نعت

طیبہ سارے جگ توں جدا سوھنیا  
طیبہ وچ مینوں وی وسا سوھنیا

نور دیاں جتھے برساتاں ہوندیاں  
سب راتاں جتھے شب راتاں ہوندیاں  
مینوں اوس در تے بلا سوھنیا  
طیبہ وچ مینوں وی وسا سوھنیا

تیرے جیہا رب نے بنایا کوئی ناں  
طیبہ جیہا بلد وسایا کوئی ناں  
پاندا ایتھے جہاتیاں خدا سوھنیا  
طیبہ وچ مینوں وی وسا سوھنیا

عشقے دی ہوندیاں جدا رسماں  
طیبہ دیاں کھاندا اے خدا قسماں  
عشق وچ ہر شے روا سوھنیا  
طیبہ وچ مینوں وی وسا سوھنیا

طیبہ وچ روضے دی ایہہ وکھری ای شان  
رحمتاں لٹاندا رج رب رحمان  
سارا جگ تیرا اے گدا سوھنیا  
طیبہ وچ مینوں وی وسا سوھنیا

تک کے نظارے دل رجدا نیئیں  
اکھاں وچ ہور کج چچدا نیئیں  
طیبہ سارے جگ توں سوا سوھنیا  
طیبہ وچ مینوں وی وسا سوھنیا

حجر وچھوڑیاں وچ نین سِکدے  
میریاں نصیباں وچ ہن لکھ دے  
ٹھنڈی مٹھی طیبہ دی ہوا سوھنیا  
طیبہ وچ مینوں وی وسا سوھنیا

خورے کدوں رک جان آندے جانڈے ساہ  
زندگی ادھاری نیئیں پل دا وساہ

میرے اتے کرم کما سوهنیا  
طیبه وچ مینوں وی وسا سوهنیا

پلے کوئی عمل نہ منگئے دا چچ  
کالی کالی کملی وچ آقا مینوں کج  
رب دے عذاب توں بچا سوهنیا  
طیبه وچ مینوں وی وسا سوهنیا

جنڈری اولڑا اے روگ لا لیا  
گل وچ طیبه دا اے جوگ پا لیا  
دید تیری میری اے دوا سوهنیا  
طیبه وچ مینوں وی وسا سوهنیا